

海州文獻錄卷十四

州人許喬林編輯

金石錄

謹案唐志金石門最爲博綜如隋王謨題名唐崔逸東巖壁記宋石曼卿詩刻張忠文題名爲向來金石家從未著錄者是時王蘭泉司寇金石萃編甫經彙布深以未及收入爲憾而錢竹汀少詹孫淵如觀察皆來求海州秦碑陶山先生於冬令潮枯時令人於海濱結茅以候偶見水中碑影而風潮驟至百計求之竟不可得神物之顯晦其有時乎邇者陶文毅公兩巡此州磨崖題石翠墨鐫華乙未冬

聖天子

親書印心石屋四字以

賜旣恭摹於雲臺之巔復琢寶珉奉陶公祠內之御書樓上環瀛仰鏡倬漢章天恭紀金石錄首以誌榮光之巍煥焉輯金石錄第十四

御書印心石屋四大字磨崖文曰印心石屋道光乙未

冬

賜兩江總督臣陶澍恭勒海州雲臺山水簾洞上

海州文獻錄

卷十四

金石

一

御書印心石屋四大字刻石文曰印心石屋恭摹於板

浦陶公祠內

御書樓上附刻兩江總督臣陶澍恭謝摺子曰道光十

五年十二月初四日軍機大臣恭捧

御書印心石屋四字扁額傳

旨賜臣謹卽叩頭祇領

天題寵錫卿雲增石墨之華

宸翰

親頒喬采發山川之色感深鼇戴慶溢蝸廬伏念臣楚

省菲材山鄉下士昨於

海州文獻錄

卷十四 金石

二

召見之頃仰蒙

垂詢家世兼及里居比經縷悉具對臣家洞庭西南資

水之濱兩岸石壁屹立如門潭心有石方正若印

名曰印心石幼隨臣父結屋讀書其上門臨活水

喜尋溥博之源石借他山常凜琢磨之義江流千

八百里別號茱萸溪環五十三灘近鄰紅藿迨涉

蓬瀛而窺中秘旋縮符綬而領兼圻介切銘心敢

擬中流一柱

恩深繫肘欣瞻朗映千潭每思若谷之

淵懷虛受有如投水愧乏迴瀾之厚力實行無補擎天

迺承齋額之

榮頌

特賁印心之嘉號拜易簡玉堂之貺飛白騰芳開文翁  
石室之圖汗青在望從此摹懸素壁用箴如水之

臣心還當鐫泐貞珉長煥輝山之

御寶所有微臣感激榮幸下忱謹繕摺恭謝

天恩道光十五年十二月初五日奉

旨知道了欽此又附刻臣陶澍恭摹

御書墨寶進

呈摺子曰臣聞河洛闡先天之祕一畫宣苞圖書流

海州文獻錄

卷十四 金石

三

東壁之光三能煜采是以赤文綠字炳十瑞而巍

堯玉檢金泥糺重華而慕

舜珠囊肇啟石墨爰鐫恭惟

皇上宥密單心

緝熙懋學

敕命幾康之暇庸有賡歌

怡神道德之餘兼資游藝圖標蒙養

題詞早播於前編檢切身修

志額彌殷於新宇偶爾觀瀾聽雨

抒懷總在民依無妨繪水模山

深意隱存臣鑒式瞻

鴻藻靡罄微臣依渥荷

鈞堦身親

高厚比以朝

天述職因之乞假旋鄉蒙

詢里居在茱萸江之山峽遂邀

宸翰有印心石之

璿題若作室乃念肯堂承

賜書而標通德劉向傳經之地敢云樂在山林晏嬰更

塏之前庶幾居於廉讓

海州文獻錄

卷十四

金石

四

天花灑處蓬華生春

琅管揮來松楸煥色旣而

霽顏屢接

清問頻番知兩岸有若重門千尋壁立復四字仍煩

大筆萬丈芒垂

特書屢書遂荷稠施而拜

貺一

命再

命更加佻僂以承

恩以視尹圮常參獲一通而光榮已極卽論孫奭直闕

兼兩紙而寵幸猶希載奉

恩言允臣勒石捧出雲霞

天上畫麗銀鈎修來日月巖邊山開玉斧  
體乾坤而爲法象

神模畢現於毫芒肖圭璧以成方圓元氣渾含於橐籥  
南崖旣選北牖旋憑念諸生就

日之忱嶽麓無殊鄒魯况

列聖藏書之府瑯嬛宛在金焦爰亟重摹快資咸覩蓮花  
峰下別通營道之潺流岫嶺碑前更廣夔門之鑿  
刻

海州文獻錄

卷十四

金石

五

大觀有耀經天緯地謂之文

盛蹟長畱河嶽日星壯其氣微臣夙叨鯉對忝荷

龍光景

庥命以凜對揚仰

奎文而知

訓誨精懷鍊石慙無寸補於

雲天感切銘心長紀

殊恩於奕禩臣無任瞻幸屏營之至謹裝潢成軸並繪

刻圖冊進

呈

御覽恭謝

天恩道光十七年正月初七日奉到

硃批知道了欽此今嵌於北壁而以相國穆彰阿之序

協揆英和廉訪吳廷琛之記尙書朱士彥之贊中

丞烏爾恭額之四言詩相國潘世恩工部小京官

朱綸之五言古詩副憲蔣祥墀尙書祁雋藻翰林

院侍讀胡達源中丞吳其濬之七言古詩廉訪石

韞玉秉恬尙書李宗昉方伯陳繼昌之七

言律詩勒石分嵌享堂後壁及

御書樓下兩廊間淮北海州分司童濂譔記曰道光乙

海州文獻錄

卷十四 金石

六

未冬兩江總督宮保長沙陶公述職朝京師蒙

召見十有四次其間兩拜

御書印心石屋之

賜印心石屋者宮保幼時讀書處也屋在資江濱之小

淹兩岸石壁對立如重門澄潭滌泐有石出於潭

心方正若印宮保幼隨贈公萸江先生結屋講習

其間因名丙申夏東海士民公請敬摹

宸翰於雲臺第一峰越二年歲次戊戌海上鹽筴益豐

四方民大和會僉請於臣濂曰淮北積疲久矣惟

我

聖主賢臣

一德一心以盡心乎民事而同心以籌窮變通久之宜  
用克力振頹綱而使之大起邇者曠丁亭戶鼓腹  
於漉沙構白之餘視海水珍於瓊液其方舟連檣  
遠涉江湖者亦從無負旣繫鈴之警奇贏所得幾  
什伯於曩時蓋至是而人人咸頌宮保之有孚惠  
心矣夫宮保懋績全疆持衡邦計單厥心以印乎  
聖天子念切民依之心而能適如乎民心者固無乎不  
在卽以東海一隅言之吾儕就鹽人而論鹽事宮  
保之心乎民也亦至矣斯民宜何如各出其心以

海州文獻錄

卷十四

金石

七

相印哉近聞資江衡岳洞庭匡廬及江左佳山水  
處輿情軒饗鼓舞恭勒

璿題東海雲臺之巔雖已敬謹磨崖而攀磴躋峰未能  
徧愜就日瞻雲之願請再恭摹

寶墨於雲臺之陽更足昭示遐邇從此萬流仰鏡榮

天章而頌柱石之良臣共曉然於君子勞心凡以爲民

耳臣濂據情上請謹相吉板浦之東建崇樓以奉

天藻并繪圖刊石環嵌以志

龍光接翔陽於樽桑連東壁之策府會見

奎章倬漢開胸海文運之祥焉臣濂備員鹺務襄事於

宮保之側者至久且專仰惟

聖世君臣

一德一心之盛其所以感孚於上下者無非一心之印也道光戊戌冬刻石

釣臺題名文曰天順甲申仲秋武略將軍江通因備禦於此勒石爲記 行書勒釣臺石壁又有宏治乙丑守備東海明威將軍浦南載七言絕句一首樂琴五言絕句七言絕句各一首詩字俱劣

海曙樓詩刻文曰蒼茫僊嶠俯層樓此日登臨足壯遊畫檻半依星斗近彩虹斜帶海門浮春波蕩

海州文獻錄

卷十四

金石

八

日吞還吐曉樹籠煙散復收最喜邊關奇絕處可無銘字勒山頭 真書不著名氏案此詩見崔應階雲臺山志藝文門題李上林名道光甲午重建海曙樓嵌於門外西壁其東壁爲孟養志詩刻微辨海國初升火珠千斗數字

琉球國銅鑪文曰嘉慶丙子夏琉球國八品巡見官毛朝玉等二十三人海舶遇颶風飄至海州鷹遊疊知州師亮采日給廩餼請大府 奏送閩附船還國朝玉臨行以鑪相貽因供奉宿城山法起寺並系以銘 三品金一瓣香航海來兮波不揚



嘉慶丙子秋月朝議大夫知海州事韓城師亮  
采題 是鑪製若巨鉢闕其前重一百五十三兩  
今在宿城法起寺

海州鎮海寺膳田記碑嘉慶二十一年知州師亮  
采撰

雲臺山磨崖文曰觀察唐仲冕知海州師亮采參  
將陳階平巡歷登此 隸書七行字徑四寸勒雲

臺山崖案東磊亦有師公刻登山觀海四大字

海州龍洞磨崖文曰嘉慶丙子秋王仲瞿包慎伯  
許石華錢梅溪同游 隸書勒龍洞石壁

海州文獻錄

卷十四

金石

九

陶文毅公海州鼇頭山詩磨崖 行書詩載羣山

錄後附王刺史 夢齡 跋並詩隸書勒鼇頭山壁

陶文毅公雲臺詩刻高九寸長三尺八寸二十九

行字徑七分行書詩載羣山錄此刻冠以崑山張

仲英所繪小像程侍郎 恩澤 所作贊篆書後附俞

德淵謝元淮許喬林次韻詩刻皆真書

陶文毅公蟠龍丈人歌刻石高九寸長五尺五寸

五十七行字徑七分行書詩載勝蹟錄

陶文毅公海曙樓額文曰海曙樓 雲臺山頂有

海曙樓爲望海觀日出之所久圯矣余壬辰登山

至此但見荒厓一片寸椽尺桷無存者因倡捐選匠修復之以無忘名蹟道光十四年仲冬落成因揭還舊額兩江總督使者安化陶澍識并書 高一尺六寸廣五尺海曙樓三字三行字徑一尺跋八行字徑一寸四分並行書

陶文毅公蟠龍丈人碑文曰蟠龍丈人 道光壬辰 長沙陶澍題 高五尺草書字徑六寸

陶文毅公雲臺山題名文曰道光十五年夏四月廿四日太子少保兵部尚書總督兩江使者長沙陶澍以閱伍至海州重登雲臺山同行者刑部主

### 海州文獻錄

### 卷十四

金石

十

事吳縣曹楸堅前知海州韓城師亮采前知江都縣錢塘陳文述太湖同知巢縣劉大烈淮北監掣同知山陰陳在文署海州知州海康王夢齡贛榆縣知縣烏程徐林春無錫縣知縣松滋謝元淮海州州同耒陽羅登瀛海州州判合肥龔照琪寶山縣縣丞咸寧劉琅代理海州州判海陽趙莊海州參將瀚海德本東海營都司丹徒趙雲炳及州人前知山東平陰縣許喬林 行書二十行字徑二寸勒雲臺山崖

陶文毅公高公島題名文曰大清道光十五年四

月廿六日子以閱兵東海遂登高公島眺望於時  
午潮正上海風不起鷗鳥千百回翔水面令人飄  
飄然有振衣千仞濯足萬里之概同行者吳縣曹  
楙堅錢塘陳文述韓城師亮采及從官知海州王  
夢齡淮北監掣同知陳在文知無錫縣謝元淮東  
海營都司趙雲炳前知山東平陰縣州人許喬林  
也 太子少保兵部尚書總督兩江使者楚南陶  
澍記并書 行書十二行字徑五寸勒高公島石  
壁

陶文毅公海曙樓銘 高一尺字徑七分行書文

海州文獻錄

卷十四 金石

十一

載勝蹟錄

陶文毅公仙人屋詩刻 行書勒宿城山仙人屋

內詩載勝蹟錄

陶文毅公仙人屋題勒文曰仙人屋 道光乙未

陶澍題 行書字徑一尺題款字徑二寸四分

陶文毅公玉女窗題勒 行書字徑一尺勒仙人

屋外石窗上

陶文毅公虹梁石題勒 行書字徑一尺二寸勒

仙人屋外西首石上

陶文毅公金剛石題勒 行書字徑一尺二寸勒

金剛巖上

陶文毅公畱雲嶺詩刻

碑在畱雲嶺道東行書

詩載勝蹟錄

雲臺山神廟碑道光十六年署兩淮淮北海州分司運判江蘇常州府無錫縣知縣謝元淮撰文前廣西西隆州八達州同兩淮候補鹽運司經歷馮鼎祚書丹文載寺觀錄 眞書在雲臺山三元宮陶文毅公雲臺山新建靖節先生祠堂記刻石楷書凡三十九行後附靖節先生爲鎮軍建威參軍辨凡四十六行陳芝楣中丞跋凡十六行俱眞

海州文獻錄

卷十四 金石

十三

書嵌靖節先生祠堂壁文載勝蹟錄

晉鎮軍參軍陶靖節先生祠堂膳田記刻石道光

十八年兩淮鹽運使司海州分司運判童濂撰文并書 眞書後附膳田畝數四至亦眞書嵌靖節先生祠堂壁文載勝蹟錄

重建漢東海孝婦祠記刻石江夏童濂撰文儀徵

吳廷颺書丹 眞書六十二行行十二字字徑六分又捐貲銜名及膳田渠圩丈尺四十九行勒石嵌孝婦祠正堂兩壁文載祀典錄

海州儒學敬一亭記刻石州人許喬林撰文李慶

升書丹 眞書五十六行行十六字字徑六分嵌  
儒學敬一亭壁

海州文獻錄

卷十四 金石

三